

奏

祖師上清大帝

吳天玉皇上帝依臣所行須奏狀開說分明不得錯誤就便劄付所行遣河海官吏及牒九江水帝具說事體訖再步斗呼召天丁捧文字發符彈訣目如是投符仍須急令人奔走恐雷聲海水驚人

識符使形狀法

飛捷符使頂冠騎龍伏劍金甲著緋衣使入病家及驅遣鬼邪除去伏屍也

收邪符使披髮仗劍著皂衣甲可使入水府

泉源遣禍逐鬼若貼人本命上則夜間趕人精神也

鎖龍符使三目披髮銀甲乘金翅鳥朱雀之氣可使鎖斷水妖水怪伏蟄蛟龍魚怪之類置符之處水怪等並不敢衝犯

撼山符使四目八手騎火龍乘黑雲從官將吏兵三千人可使穿地撼山五嶽大山風雨摧折不可妄用此符

捉神符使披髮帶金甲自有火光手把斬妖劍乘火雲走如飛雷可使捉鬼神石銅山精

莫不裂碎

陰符使裏懷頭伏劍著皂繡衣乘符魄隨逐兵吏驅斷鬼怪莫不盡滅

陽符使裏懷頭伏劍著紫繡衣乘符魂隨逐

兵吏斷諸驚怪厲魅立便消除作兩像兼此

乃天之告命之文天之真信三光之靈文也

縛龍符使此一符乃太一元君鐵索鎖怪之

祕文者也用之看下文不可妄傳此符也

太上助國救民總真秘要卷之四

太上助國救民總真秘要卷之五

對五

上清隱書骨髓靈文中

五獄符

五獄符者用金木水火土五行之炁以結獄禁攝邪崇毒惡鬼靈各隨時之旺相所主而書符建獄可以考驅微應也

土獄符



朱書黃炁先以釘釘於獄內然後布灰

凡作土獄書此符先想見符使緋抹額口中朱衣執鐵棒自空而降次存筆為黃龍口吐光炁而成其符欲下筆先念咒七遍又念土星名七遍而書符臨煞筆又念土星名三遍念三縛字七遍咒曰

唵囉鉢鉢那夜野大陀阿摩帝靈帝帝唵囉耳呀提唵伊醯婁醯然然婆訶取土星名軍吒利此是土三縛書符煞筆並名諱念此二字

木獄符



朱書青紙上
置於獄內然
後布灰

凡作木獄符存歲星自東而來降下化為青
炁灌頂中而入後想自己頂星冠著青衣朱

覆左手執青圭右手書符想筆作青龍口吐


光炁而成符欲下筆先念呪七遍

太上治書此字念太上七統書此字念七炁書此字念七

鬼書此字念天然地無年熱月熱日熱炁書此字念天然地無年熱月熱日熱

念書此字念天然地無年熱月熱日熱炁書此字念天然地無年熱月熱日熱

火獄符



墨書此符赤
紙上置於獄
內然後布灰

凡作火獄符先存南方真火之炁自南方而

來如練入眼中灌注遍身火發光燄又想身

成三頭四臂後想筆為火龍口吐光炁而成

符欲下筆先念呪七遍後書符呪曰

噯叮囉檀曼囉夜野尾鉢叱呼婆訶取炁

筆念南方丹靈神炁攝取炁

水獄符



朱書此符黑
紙上置獄內
依法行持

凡作水獄符先存北方玄真之炁自北方而

來如練入耳中灌注遍身玄光之炁雷轟然

忽變身為天丁左手仗劍右手書此符想筆

為黑龍口吐元炁而成符欲下筆先念呪曰

辰星見祥萬鬼伏藏天帝召汝執敢隱藏一

切凶坎赴獄見形急急如律令然筆念北方

玄靈神炁攝取炁

金獄符



朱書此符於白
紙上置於獄中
然後行持

凡作金獄符先存白光之炁自西方而來如

練入鼻灌注遍體如月之光華忽變形為太

白星冠素服左手掐追鬼訣右手書符想筆

為白龍口吐光炁而成符欲下筆先念呪七

遍呪曰

太白皓靈收攝邪凶不正之鬼天地莫容金
虎揚威摧滅妖鋒一切隱惡神吏追窮急急
如律令然筆念西方素靈神炁攝取炁
右此五符立獄並先安符於中間次逆步二
十八宿丁綱而遠之凡起此獄亦書此符燒
與病人吞服依五行水一火二之數用之

建五獄法

凡立五獄申奏文字並依天心法天獄法式

施行方位同前用之獄圓闊三十六寸以符

安獄中心符上羅細灰厚二分內水獄用三

斗犬淨新盆一隻不浸漏者盛淨水七分用

大明照子一面照上朱書山精野怪符一道

符在著在盆心點長明燈一椀淨水面上油

盆上橫法劍一口用阜羅一匹阜綃亦得

五方紙錢共一束步馬五匹繫於空中去盆

上地面相離四十九寸如木金土火獄只用

照子放灰上燈一盞虛架照上劍阜燈旁綠


隨方色餘依式

立五獄榜式

北極驅邪院榜 曉示承帖神將大判官等

當院於今月某日某時具狀飛奏
上天及申東嶽牒都大城隍乞差神將判
官吏兵等收捉某人家為禍邪祟鬼賊赴
此獄中顯現蹤由分明報應仰千繫等神
吏知委以憑申解者

石曉示承帖神將大判官吏兵等眾各知委
太歲某年某月 日時 榜
法師半銜 押



獄樣圖

建獄啓祝


凡建獄畢然後焚香變神步七星網如前法
陳述建獄因依指都監訣默召城隍白本家
司命五道土地隣近社廟等神分明指揮神
將吏兵等責勒近限須管於限內收捉為禍

邪鬼上獄顯現蹤由分明報應以憑申解不
今懈慢稍有不依今來指揮應千繫等神一
例申送泰山根究知情斷罪稟此奉行
立獄祝與天獄呪同用獄內驗鬼跡亦同本
法如經兩日未見報應依法再申牒催促施
行


召山精野怪符

此符用朱書指玄武訣想身為真武披髮手
仗三昧火鈴神劍足踏龜蛇指天丁訣召天
丁力士四直神將想在左右先發訣拋斗以
網在前指有鬼神處後至案前呪曰
吾佩太上印速赴此間行神布悉斷鬼除妖
四直使者六丁六甲為吾急召速赴壇前吾
在此間卓劍相待急急如律令念呪畢想六
甲六丁及四直神將符使吏兵遍往搜羅驅
赴壇下符用朱書

散形



聚形



追風法

此符追召山精野怪
建五獄可書上

凡人或有路中逢惡風此天惡神之所作也
如與人為禍即指天丁訣想身為天丁力士
結天剛斬鬼印想四直神將驅定為禍邪怪
拋陰斗罩定以金刀訣印斬之其風分為兩
段再以陰斗罩金刀印斬之其風自隱或分
散下必有血


驅雨法并符

凡少雨早先於壬癸子丑日作醮先五十六
步網仗劍想身為天丁力士朱衣赤馬向當
日辰上呼功曹及先擲此符於所在江河中
其雨自作耳此符朱書鐵板上作之



拜章法


凡行符治病驅逐強惡之患必須齋沐浴潔淨衣設壇置醮上章行事仍先吞解穢符



右書符時靜心向王方閉炁嚙齒三通以朱篆二道篆畢一符燒投沐浴水中洗身以朱內淨水盞中吞服洗滌五藏潔滌內外邪穢之炁耳

次拍三台訣誦呪書都匠符隨訣誦三台名虛精六淳曲生畢次誦呪曰天地運用日月之精光徹四海能斬邪精斬妖去病身有光明神水既作萬禍滅形急急如律令呪畢即握筆書符

陰陽日都匠符



剛日 朱書
柔日 墨書

右二符陽日以朱書陽日符陰日以墨書陰日符每書用其日符二道一符燒之成灰淨水調服一符鋪拜章案下書時勿令雜人見之伏章法

凡上章朝天法師具法服就案步斗綱身在斗口放章案上先存己身為驅邪院使伏地冥心存二童子執劍持印并龍虎朱雀玄武在其前後左右日月之華映照兩目五星在頭青黃白三色之炁繞身九色圓光出於項後內外洞徹即見上元唐真君執符居前左中元葛真君執符居前右下元周真君執符居前中直使功曹左右使者金童玉女章中從事身中五體真官神將君吏錄中法中神將官吏金剛力士等布列圍繞前後次存己身駕丹瓊車乘赤紅之雲自西北而昇初入剛風世界見日月交映黃道坦直入五色雲中過天門次經欲界無色界過種民之天皆有七寶瓊林森森然夾道靈風振之自成音韻過黃道比有紫雲成蓋遙見金闕門題之太清太極宮當去闕百步下車留侍衛官將

不進唯與旬中玉女捧章玉童齋章函前引急趨入闕門次入金闕第二重題之太上三天門下即不入此門次向西下詣太元都門入門之北天樞院見大殿下謁正一張天師拜陳上章之因天師稱善即自殿門東出曰

步北向詣鳳闕下少頃見玉童一人朱衣黑冠自門而出就捧章玉童手中接章函入進太上御前次有領仙侍郎引見

太上戴九德之冠著九色雲霞之帔正殿而坐左右二真人侍立群真翊衛太一朱衣在太上前覽章文又自窺陳章中之意

太上宣太一於太清玉陛下書依字即於玉殿右階付今日直官曹官畢即拜辭太上次出辭天師即與向來門下官吏扈躍還車經歷所來威儀如初至案前稱以聞再拜興

太上助國救民總真秘要卷之五